

Hawm Txog Koog Tsev Kawm Ntawv 279 Cov Tsev Neeg,

Raws li koj twb paub lawm, peb koog tsev kawm ntawv sam sim nyob rau xyoo peb hauv txoj kev siv Standards-Based Kev Muab Qhab Nia (Grading) thiab Kev Qhia Qhab Nia (Reporting). Thaum peb pib xyoo kawm ntawv no, peb xav kom koj ras txog qee yam hauv Standards-Based Kev Muab Qhab Nia, thiab qhia rau koj txog tej co kev hloov rau xyoo no hais txog rab teev muab qhab nia (grading scale) thiab tus rubric rau cov dej num (task rubric) uas siv hauv peb cov tsev kawm ntawv qib siab (secondary).

Ua ntej tshaj, ntawm no yog ib co uas xav kom ras txog thiab kev tshab txhais txog cov kev siv uas peb twb tau muaj lawm:

- 1) Standards-based kev muab qhab nia thiab kev qhia qhab nia yog los muab cov lus qhia txog tus tub ntxhais kawm ntawv txoj kev kawm ntawv uas ntxaws dua txoj kev muab qhab nia yav tas los rau rau cov tub ntxhais kawm ntawv, cov niam txiv, thiab cov xib fwb.
- 2) Cov qhab nia yog qhia txog tus me nyuam txoj kev kawm tau ntawv zoo npaum li cas thiab tsis suav tej yam xws li kev tuaj kawm ntawv txhua hnuv, kev coj tus yam ntxwv zoo li cas, kev rau siab kawm ntawv, los sis nws txoj dej num.
- 3) Luj kev ntsuam xyuas txog kev kawm TOM QAB qhia ntawv ntau dua cov dej num xyuum ua uas tau thaum lub sij hawm kawm. Li no, sua lus txog cov dej num ua – ua tiav TOM QAB qhia ntawv – yog suav 80% los sis ntau dua ntawd ntawm tus qhab nia kawg. Cov dej num formative – kev xyuum, feem ntau muaj xws li cov ntawv nqa coj los ua tom tsev – yog suav 20% los sis tsawg dua ntawd ntawm tus qhab nia kawg. Txawm tias tsis suav pawg formative ua qhov ntau hauv tus qhab nia kawg los, nws tseem yog ib qho tseem ceeb thiab yuav muaj feem cuam tshuam rau tus tub ntxhais kawm ntawv tus qhab nia yog tias ua tsis tiav.
- 4) Hauv standards-based system, tus tub ntxhais kawm ntawv yog qhov tseem ceeb. Qee zaus, cov tub ntxhais kawm ntawv tej zaum yuav xav tau sij hawm ntxiv thiab ntau cov sij hawm ntxiv los qhia txog qhov lawv paub; peb cov kws qhia ntawv npaj los muab cov sij hawm ntau, raws li hauv cov qauv uas lawv qhia rau cov tub ntxhais kawm ntawv. Cov tub ntxhais kawm ntawv tseem muaj txoj dej num los ua kom tiav lawv qhov kev ntsuam xyuas, ua raws li cov kev xav tau los ntawm lawv thiab cov sij hawm teem tseg tsis pub dhau (deadlines) uas teeb los ntawm cov xib fwb, thiab rau siab ua li qhov lawv ua tau.
- 5) Cov kws qhia ntawv tej zaum yuav tsim ib co sij hawm tsis pub dhau thiab kom cov tub ntxhais kawm ntawv yuav tsum ua kom tau. Thaum uas peb xav muab lub sij hawm uas cov tub ntxhais kawm ntawv xav tau los kawm los, peb tseem xav kom lawv yuav tsum tau muaj txoj dej num los ua lawv cov ntau ntawv. Xav kom cov tub ntxhais kawm ntawv nrog lawv cov xib fwb tham thaum uas muaj tej yam uas xam tsis pom hais txog cov sij hawm uas tsis pub dhau ntawd.

Ntxiv mus, hauv xyoo kawm ntawv 2013-14, peb yuav tsis siv cov kev muab qhab nia tshiab, tiam sis peb TAU KHO tus cim hauv tus rubric rau cov dej num thiab rab teev muab qhab nia rau phau ntawv muab qhab nia. Cov kev hloov no yog tsim los ntawm pawg neeg ua txoj dej num uas muaj cov xib fwb, cov neeg ua hauj lwm hauv tus qauv qhia ntawv, thiab cov neeg khiav dej num hauv lub tuam tsev, thiab yog qhov tshwm sim los ntawm tus xib fwb, niam txiv, thiab tub ntxhais kawm ntawv cov tswv yim txog rab teev luj thiab tus rubric uas siv tsaib no.

Cov Lus Qhia Txog Keeb Kwm

Tus rubric rau cov dej num: Qhov no yog qhov uas cov xib fwb siv thaum uas muab qhab nia rau tus tub ntxhais kawm ntawv cov ntawv ua

Ib qho kev txhawj xeeb loj tshaj plaws uas cov xib fwb thiab cov niam txiv pom hauv tus 2012 rubric yog qhov tias tus paj xyeem (score) “1” yog txhais ua “ua tsis tau raws li qhov xav kom ua tau.” Qhov no yog ib qho hnyav siab vim hais tias tej zaum cov tub ntxhais kawm ntawv tau credit rau cov dej num uas tsis pom zoo rau uas tsis ua pov thawj qhia tias kawm tau. Peb tseem hnov tias cov lus txhais txog tus 4 (tshaj tus qauv) mas nws ua ib qho nyuaj rau cov tub ntxhais kawm ntawv los ua kom tau tus paj xyeem no. Tau kho tus 2013 rubric uas muaj cov lus piav qhia txog cov qib them kawm ntawv raws li nram no:

4 = Zoo heev, zoo kawg nkaus, nkag siab tau zoo heev (Lus cim: Tsis muaj qhov TSHAJ lawm)

3 = Paub txaus, xwm yeem, yog

2 = Ntiav ntiav, yooj yim, tsis xwm yeem

1 = Tab tom kawm, paub me me, ib feem

0 = Siv tsis tau, tsis yog, tsis muaj pov thawj txaus

Ph: (763) 391-7000
Fx: (763) 391-7070

11200 93rd Avenue N.
Maple Grove, MN 55369

Ntxiv nrog rau kev hloov cov lus piav qhia, muaj ob qho kev hloov tseem ceeb hauv tus rubric:

- 1) Tau tshem tawm cov feem pua hauv tus rubric lawm. Tsis muaj ib pawg feem pua uas siv rau txhua txoj dej num lawm; txhua txoj dej num yuav tsum tau suav qhov nyuaj los sis yooj yim ntawm txoj dej num thiab cov qauv uas ntsuam xyuas ntawd. Qhov no txhais tias hauv ib txoj dej num, 80% tej zaum yuav yog tus 3, hos nyob rau hauv lwm txoj dej num, 90% tej zaum yuav yog tus 3. Cov xib fwb yuav txiav txim thiab qhia txog qhov lawv xav tau ua ntej rau cov tub ntxhais kawm ntawv.
- 2) Tau tshem tawm cov qhab nia tsiaj ntawv hauv tus rubric lawm. Tus rubric thiab rab teev muab qhab nia yog siv ua ke, tiam sis nkawv tsis zoo ib yam. Rab teev muab qhab nia uas kho dua tshiab nws phim rau cov theem hauv rubric, tiam sis ob qho no yuav sib hloov mus mus los los tsis tau.

Rab teev muab qhab nia hauv TIES phau ntawv muab qhab nia (grade book): tsuas siv rau tus qhab nia (xeem) kawm hauv trimester

Tom qab kho cov lus hauv tus rubric, Pawg Neeg Ua Txoj Dej Num tau saib ntau cov teev muab qhab nia uas sib txawv, kom thiab li daws tau cov kev txhawj xeeb ntawm rab teev muab qhab nia tog siab thiab qis. Rab teev uas raug xaiv yog tawm suab (advocated) los ntawm tus kws tshawb fawb txog kev kawm ntawv Robert Marzano. Yog tias nws ua tau li nws siab nyiam, Marzano (thiab lwm cov kws tshaj lij) yuav tshem tawm tus qhab nia xeem uas luj thaum lub trimester xaus, es yuav cov qhab nia uas qhia txog kev kawm hauv txhua tus qauv. Tiam sis, peb tseem yuav tsum tau muaj ib tug qhab nia xaus hauv txhua ntu kawm (term) rau peb cov tub ntxhais kawm ntawv; li no, Marzano tawm tswv yim kom muab tus qhab nia coj los piv nrog rau cov lus qhia ntxiv txog tus tub ntxhais kawm ntawv txoj kev kawm tau hauv txhua tus qauv. Peb twb tau txuas cov dej num rau cov qauv qhia qhab nia hauv phau ntawv muab qhab nia thiab cov niam txiv yuav saib tau tus tub ntxhais kawm ntawv txoj kev kawm tau ntawv los ntawm tus qauv qhia qhab nia. Qhov uas peb xav tau yog rab teev muab qhab nia kom nws nyob sib ncaj nrog peb tus rubric. Yuav kom ua tau qhov no, Marzano muab rab teev muab qhab nia uas txhais cov qhab nia ua dej num 0-4 mus ua cov qhab nia tsiaj ntawv (letter grades), *siv coj los qhia txog kev kawm tau.*

Rab teev uas peb yuav siv yog raws li nram qab no:

3.51-4.0	A	2.17-2.33	C
3.00-3.50	A-	2.00-2.16	C-
2.84-2.99	B+	1.84-1.99	D+
2.67-2.83	B	1.67-1.83	D
2.50-2.66	B-	1.50-1.66	D-
2.34-2.49	C+	0.00-1.49	F

Rab teev no yog hais txog cov kev txhawj xeeb txog cov qhab nia kawm dhau uas tau suav los ntawm cov paj xyeem hauv cov dej num uas tsis qhia txog kev kawm. Kev siv rab teev no, phau ntawv qhia txog qhab nia yuav suav ib tug qhab nia kawm dhau (D-) nrog ib nrab ntawm cov cim qhia txog txoj dej num uas tau 1 (tab tom kawm, paub me ntsis, ib feem) thiab ib nrab ntawm cov uas tau 2 (ntiav ntiav, yooj yim, tsis xwm yeem). Ib nrab ntawm cov uas tau 0 (siv tsis tau) thiab ib nrab ntawm cov uas tau 1 (ib feem) yuav tsis suav tias yog ib tug qhab nia kawm dhau. Nyob rau ib tog ntawm rab teev, tau muab kho me ntsis lawm thiab; cov dej num uas tau 3 thiab 4 ntau tej zaum yuav suav tias tau tus qhab nia A los sis A-. Qhov no yog raws qhov kev ntseeg tias yog tias cov tub ntxhais kawm ntawv tau 3 thiab 4 ua tus qhab nia hauv cov dej num, lawv yeej ua cov dej num zoo thiab qhia tau tias lawv kawm tau ntawv uas nyob rau theem siab los sis kawm tau zoo heev, thiab li no yuav tsum tau A los sis A- ua tus qhab nia rau chav kawm. Cov lus hauv tus rubric nws phim rau rab teev; tiam sis, raws li tau hais saud, txawm tias tus rubric thiab rab teev nws sib txheeb los, yuav muab sib hloov mus mus los los tsis tau.

Yog tias koj muaj lus nug txog standards-based kev muab qhab nia, nrog rau tus rubric los sis rab teev uas tau kho dua lawm, thov hu rau koj tus thawj saib xyuas hauv tsev kawm ntawv, Wendy Biallas-Odell, Director of Curriculum, Instruction, & Educational Standards (biallasw@district279.org; 391-7143) los sis Kris Rouleau, Coordinator of Curriculum, Instruction, & Educational Standards (rouleauk@district279.org; 391-7254)